

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CCXXI.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

tionem te facturum mihi persuaserim, (si sit occasio). Ceterum qui mihi nuper casus contigerit, ex ipso cognosces, quo certè benigna DEI providentia manuque sum servatus misericorditer, & debeo eidem *gratias* persolvere. Quæ Lindavienfes ad nos dederint propter Ruppium, ex Grynæo intelliges. Hæc paucis nunc ad te, vir Reverende & charissime frater, scripsi, quia occupatus plura non potui. Saluta reverenter uxorem, filios & collegas omnes. Scripsi Basileæ, 21. Martii, Anno 77.

Sulcerus. tuus
ex animo.

CCXXI.

*S. in Christo. Reverende & clarissime vir, & amice in
Domino charissime:*

Podagræ cruciatu te liberatum, ex animo tibi gratulor; & Deum precor, ut hoc malum ita in te profligat, ne amplius recurat.

Illustrissimus Elector in itinere est, & spero C. E. ad tertium Aprilis diem huc appellere, secundo Nicro, posse. Interea nihil mutatum aut constitutum est in scholæ, sed expectatur exoptatus reditus, salutare consilium, & pium decretum Electoris. Multæ obversantur nobis difficultates, quas tamen Domini providentia, atq; optimi Electoris & matura & moderata consilia discutient & dissipabunt. Et quamvis non dubitem, filium tuum parentis auctoritatem secuturum, & postquam vocatus fuerit, abunde Illustrissimo Electori, eruditione, pietate & industria sese commendaturum, tamen si quid meæ commendationes poterunt, ipsi non deero: nec enim scholæ huic fidelem, quam navare potest, operam, neq; parenti hunc senectutis baculum invideo, sed potius ex animo gratulor. D. Jacobus Andræ in itinere quidem est, sed non ut patriam repetat, verum, ut familiam Lipsiâ Wittebergam transferat. Scripsit hac de re nuper admodum ad me, & credo hac hebdomada eum Wittebergam concessisse, ad scholam & ecclesiam recte constituendam. Crellius & Oberndorffer cedere jubentur. D. Polycarpo per impositionem manuum D. Jacobus, sic volente Electore, curam Ecclesiæ Wittebergenfis commendavit. Credo, virum pium & doctum tibi non esse ignotum: facit ipsum Dominus *pro magistro Christophoro*.

Si verum esset, quod de D. D. Sulzero scribis, tristis nobis & acerbus esset hic casus: Sed ea die, qua literas tuas accepi D. D. Grynæus me hic salutans, affirmavit, conficta hæc esse & falsissima, se enim ante paucos dies Basilea discessisse Sulcero salvo & incolumi. Dominus hanc sapem imò murum contra vicinos adversarios quam longissime conservet. Prima die Martii, D. D. Jacobus, Chemnitius & Selneccerus Bergæ prope Magdeburgum convenerunt ad ponderanda judicia mul-

tarum

tarum ecclesiarum de scripto Torgensi. Speramus bonum exitum. Vale Reverende vir, & totum vestrum sanctum ministerium, imprimis Dominum Flinnerum & D. Pappum, reverenter ex me saluta. Datæ Heidelbergæ, inter multas occupationes, 29. Martii, a. 77.

I.

Balth Bidembach.



CCXXII.

Significavit mihi D. Grynæus, familiariter amiceque se à te acceptum, quod fore, si te conveniret, animo ante præsumpseram. Factam verò mentionem de Tobia populari tuo, pium sanumq; consilium tuum aperuit. Verum dum abest ille, Senatus Lindaviensis ad ampliff. Magistratum nostrum & Academiam scripsit literas graves & admonitorias, misso simul eo libro, quo collatio D. Jacobi Andree cum ipso habita, ac vestræ Ecclesiæ & Tubingensis Academiæ sententia & consilia continentur, quibus perlectis decretum est, ut hinc migrare cum primum jubeatur per Academiæ Rectorem. Id cum reversus Tobias his diebus intellexisset, nostram petit humiliter intercessionem, quam idcirco negare nolumus, quia utcumq; durus adhuc videatur, non tamen de ipso spem omnem abjecerimus, & quantum in nobis est, cavere cupiamus, ne desperatione absorbeat. Hoc autem solum impetrare cupimus, ut consue saltem locum habeat, dum commode se cum suis recipere aliorum quærat. Verum quid effecturi simus, ignoramus, quia post triduum demum ipsius legetur supplex libellus, & nostra audietur intercessio. Collegam ipsius conditionem nactum esse ait. Verum quid de ipso futurum sit, nisi referat solidæ confessionis testimonium, cum celebriore sit nomine, non facile conditio ei dabitur, nisi forte in Austriam se recipiat, ubi Assertores ejus sectæ quidam, iiq; acres esse affirmantur. De Marchionis obitu triste nobis allatum est nuncium, quod iniquo admodum tempore evocatus nobis hinc ad cœlestia Princeps sit, quem habuerunt Ecclesiæ benignum nutritium & sinceræ doctrinæ assertorem & defensorem. Sed spes in eo est, qui promissit suis non relicturum ipsos orphanos. Per te tamen cupio & Præpositum Bidembachium & Theologos Tubingenses diligenter commoneri, ut quia Senatus Juniorum Principum ex auctoritate Wirtembergici, quem tutorem ipsis constitutum esse cum Palatino accipio, majori ex parte pendeat, ut inde cum primis vigili cura intendatur & curetur, ut puritas doctrinæ & religionis hæcenus consueta conservetur & caveantur corruptelæ. Si quid eam ad rem meum quoq; infirmum ministerium conferre potest, non deero officio. Ex Gallia nos nihil accipimus, nisi quod Rex quan-